



Cumün da Zernez - müdamaint da zonas– proget chasa da scoula

Il proget preschantà da la cumischiun da chasa da scoula per sanar ed ingrandir la chasa da scoula a Zernez ha la consequenza d'ün müdamaint da zonas, quist per pudair realisar l'annex planisà. L'annex planisà as rechatta hoz per part illa zona d'implant public (ZöA) Quista zona nu lascha tenor la ledscha da fabrica dal Cumün da Zernez pro ün tal stabilimaint. In ün prossem pass esa perquai necessari da müdar la zona d'implant public in üna zona d'edifizis e stabilimaints publics (ZöBA). Quist müdamaint da zonas pretenda üna revisiun parziala da la planisaziun. Quist proceder es gnü comunicà illa saira d'infuormaziun dals 14 marz 2018.

Revisiun da la ledscha chantunala da planisaziun dal territori (RPG) – consultaziun

Il responsabels dals cumüns, insembel cul planisader, han preparà ün documaint da consultaziun a regard la revisiun da la ledscha da planisaziun dal territori. La posiziun es gnüda sancziunada da la suprastanza cumünala. Tala vain rinviada a l'uffizi chantunal.

Radunanza cumünala dals 25 avrigl 2018 – tractandas definitivadas

La suprastanza cumünala ha approvà la glista da tractandas per la radunanza cumünala dals 25 avrigl 2018. A quista radunanza vain preschantà il credit d'investiziun per la sanaziun ed ingrandimaint da la chasa da scoula a Zernez e la decisiun a regard la destinaziun turistica futura pel Cumün da Zernez.

EW Zernez - staziun da manisaziun SS Serra - decisiun da princip da proget

La staziun da manisaziun in La Serra a Zernez sto gnir adattada causa il proget d'incablamaint „Netzentwicklung Engadin“. La suprastanza ha approvà l'inizi dal proget. L'incumbenza per la furniziun da la cabina es gnüda surdatta.

EW Zernez - staziun da transfuormaziun TS Sarinera - decisiun da princip da proget

In Suot Via a Zernez sto gnir fabricada üna nouva staziun da transfuormaziun causa il proget d'incablamaint „Netzentwicklung Engadin“. La suprastanza cumünala ha sancziunà l'inizi dal proget ed ha surdat l'incumbenza da furniziun da cabinas.

Scoula Zernez – promoziun da la giuventüna

Üna gruppa da lavur, existenta da commembers e commembras da la suprastanza cumünala, dad ün rapreschantant da las baselgias chantunalas, dad üna persuna da cumün e da personas chi rapreschaintan la giuventüna minorena e majorena ha insembel cun ün perit da l'organisaziun jugend.gr elavurà ün concept per promover la giuventüna dal Cumün da Zernez. L'idea es da drizzar aint ün local per la giuventüna majorena ed ün per la giuventüna minorena. Per accompagnar la giuventüna minorena faja dabsögn d'ün post da promoziun. Quist post gniss survaglià d'üna cumischiun da giuventüna. Divers sclerimaints sun in trais-cha e ston amo gnir preschantats a la suprastanza.

Furniziun d'ün prunader a telescop – decisiun da princip per proseguir culla submitsiun

Per schliker il lavur da minchadi illas Gestions Tecnicas faja dabsögn da maschinaz adequatas al temp dad hoz. Cun quai s'haja previs da comprar quist on ün prunader a telescop. La dumonda da credit da chf 100'000 es gnüda sancziunada a la radunanza cumünala dals 12 december 2017. La suprastanza ha approvà la glista da submitsiun per la cumpra d'ün prunader a telescop.